
OFFERYNNAU STATUDOL CYMRU

2014 No. 3278

**Rheoliadau Tenantiaethau Diogel (Sail Absoliwt ar
gyfer Meddiannu am Ymddygiad Gwrthgymdeithasol)
(Y Weithdrefn Adolygu) (Cymru) 2014**

Cyfathrebu

4.—(1) Pan fo cais yn cynnwys datganiad i'r perwyl bod y ceisydd yn cytuno i gael cyfathrebiadau sy'n ymwneud â'r adolygiad drwy e-bost, mae unrhyw hysbysiad, dogfen neu gyfathrebiad arall a anfonir mewn cysylltiad â'r adolygiad gan y landlord i'r cyfeiriad e-bost y cyfeirir ato yn rheoliad 2(e) i gael ei ystyried fel pe bai'r ceisydd wedi ei gael ar y diwrnod yr anfonwyd y cyfathrebiad i'r cyfeiriad e-bost hwnnw.

(2) Mewn unrhyw achos arall, mae hysbysiad, dogfen neu gyfathrebiad arall a anfonir mewn cysylltiad â'r adolygiad gan y landlord at y ceisydd i gael ei ystyried fel pe bai'r ceisydd wedi ei gael ar—

- (a) y diwrnod y caiff ei roi i'r ceisydd yn bersonol;
- (b) yr ail ddiwrnod busnes ar ôl ei anfon drwy'r post dosbarth cyntaf i'r cyfeiriad y cyfeirir ato yn rheoliad 2(a); neu
- (c) y diwrnod y caiff ei roi â llaw yn y cyfeiriad y cyfeirir ato yn rheoliad 2(a).